

## ZNATECYNJENJE

dla wuzwólwanjow

- gmejskeje rady gmejny Błošańska góla (Spreewaldheide)
- cesnoamtskego šołty abo cesnoamtskeje šołtowki gmejny Błošańska góla (Spreewaldheide)
- wejsneje pśirady wejsnego žěla Bucyn (Butzen)
- wejsneje pśirady wejsnego žěla Łaz (Laasow)
- wejsneje pśirady wejsnego žěla Zakrjow (Sackrow)

na 09. juniju 2024

### Znatecynjenje wjednice wuzwólwanja

wót 14. februara 2024

Za paragrafoma §§ 26 a 64 póstawk 3 Bramborskeje kazni dla komunalnych wuzwólwanjow (BbgKWahlG) a za paragrafom § 31 póstawk 2 a 3 Bramborskego wustajenja dla komunalnych wuzwólwanjow (BbgKWahlV) dajom ja slědujuce informacije k wěści:

#### I. Termíny a čas głownych wuzwólwanjow a dowuzwólwanjow

Za wustajenim dla dnja a casa powšykných komunalnych wuzwólwanjow w lěše 2024 wót 17. awgusta 2023 (GVBl. II nr. 57) pšewjedu se **wuzwólwanja** (głowne wuzwólwanja)

- gmejskeje rady gmejny Błošańska góla (Spreewaldheide)
- cesnoamtskego šołty abo cesnoamtskeje šołtowki gmejny Błošańska góla (Spreewaldheide)
- wejsneje pśirady wejsnego žěla Bucyn (Butzen)
- wejsneje pśirady wejsnego žěla Łaz (Laasow)
- wejsneje pśirady wejsnego žěla Zakrjow (Sackrow)

nježelu, 09. junij 2024 wót zeger 8 do 18

kaž teke

ewentuelnje trjebne **dowuzwólwanje**

- cesnoamtskego šołty abo cesnoamtskeje šołtowki gmejny Błošańska góla (Spreewaldheide)

nježelu, 30. junij 2024 wót zeger 8 do 18

#### II. Napominanje k pšipowěženju kandidatow a kandidatkow

Za tym ako ministar za nutšikowne a komunalne nastupnosći jo pšez kaznjojske wustajenje termíny tych zwjercha wumjenjonych głownych wuzwólwanjow a dowuzwólwanja wustajit, napominajom ja za paragrafom § 31 póstawk 2 sada 3 wustajenja BbgKWahlV, aby **tak jěsno ako móžno** kandidaty a kandidatki za to same wuzwólwanje pšipowěželi. Wušej togo dajom slědujuce informacije k wěści:

##### A. Wuzwólwanje gmejskeje rady Błošańska góla

1. **Licba gmejskich zastupnikow a zastupnicow, kótarež deje wordowaš wuzwólone**  
Nagromadu dej 8 gmejskich zastupnikow a zastupnicow wordowaš wuzwólonych.
2. **Wuzwólowańske wokrejsje**

Gmejna Błosańska góla wobstoj za paragrafom § 20 póstawk 2 kazni BbgKWahlG z **jadnego** wuzwólowańskego wokrejsa (451 wobydlarjow).

### 3. **Pšawo na pšipowěženje kandidaturow a wustajony cas k pšipowěženju kandidaturow**

3.1 Kandidatury mógu wordowaś pšipowěžone wót **partajow, politiskich zwěstkow, wuzwólowańskich grupow a samotnych kandidatow abo kandidatkow**. Wušej togo mógu partaje, politiske zwěstki a wuzwólowańske grupy teke gromaže ako **lisćinowy zwěstk** kandidatury pšipowěžeś. Wóni směju se pak pši kuždem wuzwólowanju jano na jadnom lisćinowem zwěstku wobželiś; cłonki lisćinowego zwěstka njesměju samostatnu kandidaturu za **to same** wuzwólowanje pšipowěžeś.

3.2 Pšipowěženje kandidaturow dej se staś **tak jěsno ako móžno**. **Pisne** pšipowěženja muse se zapódaś **nanejpóździej** až do

**stwórtka, 04. apryla 2024, zeger 12,**

pla

**wjednice wuzwólowanja za gmejny amta Luboraz/Górne Błota,  
amt Luboraz/Górne Błota, Cerkwina droga (Kirchstraße) 11, 15913 Tšupc  
(Błota),  
abo Mark (Markt) 4, 15868 Luboraz (Lieberose)**

### 4. **Wósebnna slušnosť pšizjawjenja lisćinowych zwěstkow**

To wótglědanje, aby se lisćinowy zwěstk założył, muse organy wšych wobžělonych organizacijow, kótarež su pšislušne za teritorium wuzwólowanja, wjednicy wuzwólowanjow we **gmejnje amta Luboraz/Górne Błota** zjawiś. To zjawjenje dej se staś **pisnje a nanejpóździej** až do **stwórtka, 04. apryla 2024, zeger 12**. Su-li partaje abo politiske zwěstki na lisćinowem zwěstku wobžěłone, ga musy ta deklaracija byś pódpisana wót nanejmjnej dweju cłonkowu jich pšedsedařstwa, kótarež jo pšislušne za teritorium wuzwólowanja, mjazy drugim wót pšedsedarja abo pšedsedařki abo wót zastupnika abo zastupnice; pla wuzwólowańskich grupow musy wósoba z pšawom zastupowanja pódpisaś.

### 5. **Pšipowěženje jadneje lisćiny za cěly teritorium wuzwólowanja abo wěcej lisćinow za jadnotliwe wuzwólowańske wokrejsje**

Partaja, politiski zwěstk, wuzwólowańska grupa abo lisćinowy zwěstk móžo pšipowěžeś **pak jadnu** lisćinu kandidaturow, ako se pósěguju na cěly **teritorium wuzwólowanja** (jadna lisćina za wšykne wuzwólowańske wokrejsje), pak **wěcej** lisćinow, ako se pósěguju na jadnotliwe **wuzwólowańske wokrejsje** (jadna lisćina za kuždy wokrejs). Lěc pšipowěžejo se jedna lisćina za cěly teritorium wuzwólowanja abo wěcej lisćinow za jadnotliwe wuzwólowańske wokrejsje, rozsužijo pla partajow abo politiskich zwěstkow lokalne pšedsedařstwo, kótarež jo za teritorium wuzwólowanja pšislušne (njedajo-li take pšedsedařstwo, ga rozsužijo pšedsedařstwo na nejblišej wušej rowninje) a pla wuzwólowańskich grupow wósoba z pšawom zastupowanja. Samotne kandidaty mógu pšipowěžeś **swóju kandidaturu** pak za **teritorium wuzwólowanja** pak za **wuzwólowański wokrejs**. Jano z tym přědnym mógu wóni we **celem** teritoriumje wuzwólowanja kandiděrowaś.

### 6. **Wopšimješe pšipowěženja kandidaturow**

6.1 Kandidatury deje se pšipowěžeś na **formularu 5a** k paragrafoju § 32 póstawk 1 sada 1 wustajenja BbgKWahlV. Pšipowěženja deje wopšimjeś

a) familijowe mě, pšedmě, pówołanje abo žělabnosť, žen a město naroda, statnu pšislušnosť a adresu kuždego kandidata abo kuždeje kandidatki we derje widobnem řědu,

b) **pši pšipowěženju kandidatury pšez partaju abo politiski zwěstk**: polne mě teje partaje abo togo politiskego zwěstka a teke skrotcone mě, jolic wóni take wužywaju; pódana mě

partajow abo politiskich zwěstkow musy se makaš z mjenim, kótarež te same we kraju oficielnje wužywaju,

- c) **pši pšipowěženju kandidatury pšez wuzwólowańsku grupu:** mě teje wuzwólowańskeje grupy a teke skrotcone mě, jo-lic až wóna take wužywa; z togo mjenja musy se wuznaš, až žo wó wuzwólowańsku grupu; mě a ewentuelne skrotcone mě njesmějotej wopšimješ žednogo mjenja partajow abo politiskich zwěstkow abo skrotconego mjenja tych samych,
- d) **pši pšipowěženju kandidatury pšez lisćinowy zwěstok:** mě togo lisćinowego zwěstka a teke skrotcone mě, jo-lic až wón take wužywa; wušej togo muse se pódaš mjenja a teke ewentuelne skrotcone mjenja partajow, politiskich zwěstkow a wuzwólowańskich grupow, kótarež su na tom lisćinowem zwěstku wobžěłone,
- e) mě teritoriuma wuzwólwanja a – pšěgujo-li se to pšipowěženje na **wuzwólowański wokrejs** – teke pomjenjenje togo wokrejsa.

**Pšipowěženje kandidatury,** zapódane wót **samotnego kandidata abo kandidatki,** smějo wopšimješ jano te pódaša, kótarež su pód punktoma a) a e) wumjenjone.

6.2 Kužde pšipowěženje musy wopšimješ nanejmenjej jadnogo kandidata abo jadnu kandidatku. Pšipowěženje, ako se pšěgujo na cely **teritorium wuzwólwanja,** smějo nagromadu maksimalnje **15** kandidatow abo kandidatkow wopšimješ.

6.3 Wušej togo dej to pšipowěženje kandidatury wopšimješ mě, adresu a telefoniski numer **dowěrnika a zastupujucego dowěrnika.** Teke kandidat abo kandidatka móžo wordowaš za dowěrnika wumjenjony/wumjenjona. Njejo-li w kaznjach něco drugego wustajone, matej jano dowěrnik a zastupujucy dowěrnik, kuždy wósebje, pšawo wězajuće deklaracije ku kandidaturje wótedaš a pšiwzeš.

6.4 **Pšipowěžeński formular partaje abo politiskego zwěstka** musy byš pódpisany wót nanejmenjej dweju člonkowu pšedsedařstwa, kótarež jo za teritorium wuzwólwanja pšislušne, mjazy drugim wót pšedsedarja abo pšedsedařki abo wót zastupnika abo zastupnice. **Pšipowěžeński formular wuzwólowańskeje grupy** musy byš pódpisany wót wósoby z pšawom zastupowanja. Až ta sama wósoba ma pšawo zastupowanja, musy wóna na mójo póžedanje dopokazaš. **Pšipowěžeński formular lisćinowego zwěstka** musy byš pódpisany wót kuždeje partaje, kuždego politiskego zwěstka a kuždeje wuzwólowańskeje grupy, kótarež su na zwěstku wobžěłone. **Pšipowěžeński formular samotnego kandidata abo kandidatki** musy byš pódpisany wót njogo samego abo wót njeje sameje.

#### 6.5 **Wažne wobgranicowanja**

Kuždy kandidat a kužda kandidatka smějo jano na jadnom pšipowěžeńskem formularu za wuzwólwanje gmejnskeje rady gmejny Błošańska góla byš wumjenjony/wumjenjona. Kandidat abo kandidatka na pšipowěžeńskem formularu **partaje** njesmějo byš člonk drugeje partaje, kótaraž jo ze swójeju samskeju kandidaturu na tom wuzwólwanju wobžěłona.

### 7. **Kriterije za kandidaty abo kandidatki**

7.1 Aby za **partaju, politiski zwěstok, wuzwólowańsku grupu abo lisćinowy zwěstok** kandiděrowaš, musy kandidat abo kandidatka slědujuće kriterije dopoľniš:

- a) **Kandidat abo kandidatka musy měš pasiwne wuzwólowańske pšawo** za paragrafom § 11 kazni BbgKWahlG.
- b) **Kandidat abo kandidatka musy byš wumjenjony/wumjenjona pšez zgromažinu k wumjenjenju kandidatow** za paragrafom § 33 kazni BbgKWahlG (glej numer 8).
- c) **Kandidat abo kandidatka musy pisnje zwóliš** do swójego wumjenjenja na pšipowěžeńskem formularje. To zwólenje musy se daš za **musterom 7a** k paragrafoju §

32 póstawk 5 numer 1 wustajenja BbgKWahlV. Wordujo-li kandidatura wót **partaje** páspowěžona, ga musy kandidat abo kandidatka we tom zwólenju teke swóje partajske cłonkojstwa pódaš abo wopowěžeš, až njejo cłonk žedneje partaje.

Tej pód punktoma a) a c) wumjenjonej kriterija płašitej teke za **samotne kandidaty a kandidatki**.

## 7.2 **K pasiwnemu wuzwólowańskemu pšawoju (chto smějo wordowaš wuzwólony)**

### 7.2.1 Pasiwne wuzwólowańske pšawo **Nimcow**

Wšykne Nimce za myslu artikela 116 póstawk 1 zakładneje kazni směju za paragrafom § 11 póstawk 1 kazni BbgKWahlG wordowaš wuzwólone, gaž wóni

- su až do 09. junija 2024 18. lěto žywjenja dokóńcowali a
- maju nanejmenjej tśi mjasece swójo wobstawne bydlenje na teritoriumje wuzwólwanja abo tak dlujko how za wětšy žěl pšebywaju.

Za paragrafom § 11 póstawk 2 kazni BbgKWahlG njesmějo Nimc abo Nimcowka wordowaš wuzwólony abo wuzwólona, gaž wón abo wóna

- njama za wusuženim sudnistwa wuzwólowańskega pšawa,
- pšebywa w psychiatriskej chórowni za sudnikojkim wukazom za paragrafom § 63 gromaže z paragrafom § 20 knigłow štrofnych kaznjow abo
- za wusuženim sudnistwa njama pasiwneho wuzwólowańskega pšawa abo njejo gódny/gódna zjawny amt wugbaš.

### 7.2.2 Pasiwne wuzwólowańske pšawo **bergarjow Europejskeje unije**

Za paragrafom § 11 póstawk 1 kazni BbgKWahlG směju teke wšykne pśislušniki cłonkojskich statow Europejskeje unije wordowaš wuzwólone, kótarež

- su až do 09. junija 2024 18. lěto žywjenja dokóńcowali a
- maju nanejmenjej tśi mjasece swójo wobstawne bydlenje na teritoriumje wuzwólwanja abo tak dlujko how za wětšy žěl pšebywaju.

Za paragrafom § 11 póstawk 3 kazni BbgKWahlG njesmějo bergar abo bergarka Europejskeje unije wordowaš wuzwólony abo wuzwólona, gaž wón abo wóna

- njama za wusuženim sudnistwa wuzwólowańskega pšawa,
- pšebywa w psychiatriskej chórowni na sudnikojski wukaz za paragrafom § 63 gromaže z paragrafom § 20 knigłow štrofnych kaznjow,
- pšez wusuženje sudnistwa njama pasiwneho wuzwólowańskega pšawa w Nimskej abo njejo gódny/gódna zjawny amt wugbaš abo
- za wusuženim sudnistwa we indiwiduelnem paže na zaklaže ciwilnego abo štrofnego pšawa njama pasiwneho wuzwólowańskega pšawa **w rodnem staše**.

## 7.3 Gromaže z páspowěženim kandidatury dej kuždy kandidat a kužda kandidatka zapódaš wopóznajenje wuzwólowańskega zastojnstwa za **musterom 8a** k paragrafoju § 32 póstawk 5 numer 2 wustajenja BbgKWahlV, až wón abo wóna ma pasiwne wuzwólowańske pšawo.

**Bergarje Europejskeje unije**, kótarež su pisnje zwólili do swójeje kandidatury, muse **wušej togo z mócu pśisegi wobwěściš** swóju **statnu pśislušnosť** a až maju pasiwne wuzwólowańske pšawo we swójom **rodnem cłonkojskem kraju**. To wobwěsćenje musy se daš pisnje za **musterom 8c** k paragrafoju § 32 póstawk 5 numer 3 wustajenja BbgKWahlV a musy gromaže z wopóznajenim za sadu 1 wordowaš mě pšedpóložone.

## 8. **K wumjenjenju kandidatow a kandidatkow za paragrafom § 33 kazni BbgKWahlG**

### 8.1 **Kandidaty a kandidatki jadneje partaje abo politiskego zwěstka** a teke řed jich kandiděrowanja muse wordowaš na zgromažinje cłonkow teje sameje partaje abo politiskego zwěstka pšez pótajmne zgłosowanje wustajone (**cłonkojska zgromažina**). Te cłonki teje zgromažiny muse we

tom wokognušu, ako se gromadu zejdu, měš **na teritoriumje wuzwólwanja wuzwólowska pšawo**. To mógu wugbaš teke delegěrowane, kótarež člonki (sada 1) su sami ze se we pótajmne wuzwólwanju wósebje k tomu wuzwólili (**zgromažina delegěrowanych**).

- 8.2 Njama-li partaja abo politiski zwěstk na teritoriumje wuzwólwanja **žedneje organizacije**, ga mógu kandidaty a řed jich kandiděrowanja wordowaš wustajone
- pšez člonki teje sameje partaje abo politiskego zwěstka, kótarež maju na teritoriumje amta wuzwólowska pšawo, abo pšez jich delegěrowane; abo
  - pšez člonki teje sameje partaje abo politiskego zwěstka, kótarež maju pšawo wuzwólowaš wokrejsny sejm Dubja-Blota, abo pšez jich delegěrowane.
- 8.3 **Kandidaty a kandidatki wuzwólowskaje grupy** kaž teke řed jich kandiděrowanja muse wordowaš na zgromažinje jeje člonkow pšez **pótajmne zgłosowanje** wustajone (**člonkojska zgromažina**). Te člonki teje zgromažiny muse we tom wokognušu, ako se gromadu zejdu, měš **na teritoriumje wuzwólwanja wuzwólowska pšawo**. Njejo-li wuzwólowska grupa organizěrowana pšez člonkojstwo, ga mógu kandidaty a řed jich kandiděrowanja wordowaš na tu samu wizu wustajone na zgromažinje **pšiwisarjow a pšiwisařkow** wuzwólowskaje grupy (**zgromažina pšiwisarjow a pšiwisařkow**). Te na zgromažinje wobžěłone pšiwisarje a pšiwisařki muse we tom wokognušu, ako se gromadu zejdu, měš **na teritoriumje wuzwólwanja wuzwólowska pšawo**. To mógu wugbaš teke delegěrowane, kótarež člonki abo pšiwisarje a pšiwisařki (sada 1 a 3) su ze se we **pótajmne** wuzwólwanju **wósebje** k tomu wuzwólili (**zgromažina delegěrowanych**). Rozkłaženja k numeroju 8.2 pšaše wótpowědnje za wuzwólowskaje grupy, ako su organizěrowane **pšez člonkojstwo**.
- 8.4 **Kandidaty a kandidatki lisćinowego zwěstka** a řed jich kandiděrowanja muse wordowaš wustajone na **zgromadnej** zgromažinje člonkow a delegěrowanych pšez **pótajmne** zgłosowanje; wušej togo pšaše wustajenja paragrafa § 33 kazni BbgKWahlG pó zmysle.
- 8.5 Pšislušne pšedsedařstwo partaje abo politiskego zwěstka abo wumjenjony zastupnik abo wumjenjona zastupnica wuzwólowskaje grupy dej člonkam, pšiwisarjam a pšiwisařkam abo delegěrowanym na tu zgromažinu kazaš, a to **nanejmenjej tři dny pšed zgromažinu**, pak kuždego wósebje abo pšez zjawne znatecynjenje.
- 8.6 **Kužda** wósoba, ako se na zgromažinje wobžělijo a ma pšawo sobu wuzwólowaš, ma teke **pšawo kandidaturu** k pótajmne wuzwólwanju kandidatow a delegěrowanych **pširucys**. Kandidatam a kandidatkam dej se góžba daš a dosć casa pšiměriš, aby swój program zgromažinje pšedstajili. Na zgromažinje muse **nanejmenjej tři** člonki, pšiwisarje a pšiwisařki abo delegěrowane se na zgłosowanju wobžěliš.
- 8.7 Wót **zgromažiny** člonkow, pšiwisarjow a pšiwisařkow abo delegěrowanych dej se **spisaš protokol** za musterom **9a** k paragrafoju § 32 póstawk 5 numer 4 wustajenja BbgKWahlV. Ten protokol dej se pšipowěženju kandidaturow pšipožyš. Z protokola dej se wuznaš, kaka zgromažina jo to byla, a žo a ga jo se pšewjadla, wušej togo forma pšepšosenja, licba wobžěłonych člonkow, pšiwisarjow a pšiwisařkow abo delegěrowanych kaž teke rezultat pótajmneho wuzwólwanja. Pši tom dej **wjednik** abo **wjednica zgromažiny** a **dwě wót zgromažiny k tomu wumjenjonej wósobje, ako stej se na zgromažinje wobžělilej**, z mócu pšisegi wobwěšćiš, až kaznjojske minimalne kriterije za demokratiske wustajenje kandidatow a kandidatkow za paragrafom § 33 póstawk 5 kazni BbgKWahlG su se dopolnili.
9. **Pódpěrajuce pódpisma**
- 9.1 **Wulichowanje wót slušnosći zběranja pódpěrajucych pódpismow**
- 9.1.1 **Partaje a politiske zwěstki** njemuse zběraš pódpisma za **swóje kandidatury**, jolic až su byli na **21. awgusće 2023** zastupjone

– we **20.** Zwězkowem sejmje abo we **7.** Bramborskem sejmje pšez nanejmenjej jadnego we kraju Bramborska wuzwólonego wótpóslanego abo wótpóslanu,

– abo we wokrejsnem sejmje Dubja-Błota pšez nanejmenjej jadnego wótpóslanego abo wótpóslanu,

– abo we gmejnskej raže gmejny Błošańska góla pšez nanejmenjej jadnego gmejnskego zastupnika abo zastupnicu;

a jolic až to zastupowanje trajo njepšestawajucy wót slědnego wuzwólowanja

a jolic až to pšipowěženje tych samych zastupnikow k slědnemu wuzwólowanju dajo se tej samej partaji abo tomu samemu politiskemu zwěstkoju pšilicys.

#### 9.1.2 **Wuzwólowańske grupy** njemuse zběraś pódpisma za **swóje kandidatury**, jolic až su byli **na 21. awgusće 2023** zastupjone

– we wokrejsnem sejmje wokrejsa Dubja-Błota pšez nanejmenjej jadnego wótpóslanego abo wótpóslanu abo we gmejnskej raže gmejny Błošańska góla pšez nanejmenjej jadnego gmejnskego zastupnika abo zastupnicu;

a jolic až to zastupowanje trajo njepšestawajucy wót slědnego wuzwólowanja;

a jolic až to pšipowěženje tych samych zastupnikow k slědnemu wuzwólowanju dajo se tej samej wuzwólowańskej grupje pšilicys.

#### 9.1.3 Słušnosť zběranja pódpěrajucych pódpismow njepłaši wušej tego za **lisćinowe zwěstki**, gaž nanejmenjej jedna jich wótzělbow dopólnijo nanejmenjej jaden wót kriterijow za wulichowanje wót teje słušności, ako su wumjenjone we numerje 9.1.1 abo 9.1.2.

#### 9.1.4 **Kandidatury samotnych kandidatow a kandidatkow**, ako su na **21. awgusće 2023** byli na zaklaže samotneje kandidatury zastupjone we wokrejsnem sejmje Dubja-Błota abo we gmejnskej raže gmejny Błošańska góla, su wót słušności zběranja pódpěrajucych pódpismow wulichowane.

#### 9.1.5 Kandiděrujo-li cesnoamtski šofta abo šoftowka k wuzwólowanju gmejnskeje rady gmejny Błošańska góla ako kandidat partaje, politiskego zwěstka abo wuzwólowańskeje grupy, ga njemusy ta sama partaja, politiski zwěstka abo wuzwólowańska grupa pódpěrajuce pódpisma zběraś, jolic až ten samy šofta abo šoftowka jo wordował do swójego amtu ako jich kandidat wuzwólony.

### 9.2 **Wažne pokazki**

#### 9.2.1 Pšipowěženju kandidatury z boka partaje, politiskego zwěstka, wuzwólowańskeje grupy, lisćinowego zwěstka, samotnego kandidata abo kandidatki, kótaryž abo kótaraž za wustajenim tego górzeje stojacego numeru 9.1 **njejo** wót słušności zběranja pódpěrajucych pódpismow wulichowana,

– we paže kandidatury, ako se pósěgujo na teritorium wuzwólowanja –, deje se pšipoložys nanejmenjej **3** pódpěrajucych pódpismow wót luži, ako maju wuzwólowańske pšawo **na teritoriumje wuzwólowanja**.

#### 9.2.2 Wósoba z wuzwólowańskim pšawom dej swójo pódpěrajuce pódpismo daś wósobinski a na wizu, ak dajo se kontrolěrowaś, **nanejpóźdzej** až do

**srjody, 03. apryla, zeger 16.00**, pla

**wuzwólowańskego zastojnstwa, amt Luboraz/Górne Błota,  
mjeldowański amt (špa 1), Cerkwina droga (Kirchstraße) 11, 15913 Tšupc (Błota)**

Pódpěrajuce pódpismo móžo se teke daś pla **cesnoamtskego šofty** abo **cesnoamtskeje šoftowki** we kraju, pšed **notarom** abo **notarku** abo pšed drugim **zastojnstwom**, ako ma pšiwdanu móc pódpisma amtski wopóznaniś. Pódpismowe lisćiny k tomu, kótarež som ja

na požedanje **wuźeliła** (glej numer 9.2.3), deje se **wuzwólowańskemu zastojnstwoju (amt Luboraz/Górne Błota, Cerkwina droga 11, 15913 Tšupc (Błota)) nanejpóździej do srjody, 03. apryla 2024, zeger 16.00** pśedpołożyś.

Te pominane **pódpěrajuce pódpisma** deje se zběraś **na amtskich formularach, kótarež ja som wudała abo wuźeliła** a kótarež su zgótowane za musterom 6 k paragrafoju § 32 póstawk 4 numer 3 wustajenja BbgKWahlV. Pši tom zběranju pódpismow dej se glědaś na slědujuce pśedpisma:

9.2.3 **Na požedanje pśipowězarja kandidatury** worduju te formulary wóte mnjo ned k dispoziciji stajone **we wuzwólowańskem zastojnstwje, amt Luboraz/Górne Błota, Cerkwina droga 11, 15913 Tšupc (Błota).**

Pši takem požedanju deje se familijowe mjenja a pśedmjenja kaž teke adresa **kuźdego kandidata a kuźdeje kandidatki we derje widobnem řědu** pódaś. Gaž kandidaturu **pśipowěžejo partaja, politiski zwěstk, wuzwólowańska grupa abo lisćinowy zwěstk**, ga dej wušej togo se pódaś jich poľne mě a skrotcenje, jolic až se take wužywa.

Wušej togo dej pśipowězař kandidatury pśez pisnu deklaraciju wobtwarziś, až kandidaty su wordowali wumjenjone a řěd jich kandiděrowanja wustajony za paragrafom § 33 kazni BbgKWahlG, abo wón dej pśedpołożyś eksemplar protokola wót wumjenjenja kandidatow a wustajenja řědu jich kandiděrowanja.

Pši **pśipowěženju kandidatow lisćinowego zwěstka** deje se wušej togo pódaś mjenja a teke skrotcone mjenja, jolic až take su, wót wšykných wobžěloných organizacijow.

Pši pśipowěženju **samotnego kandidata abo kandidatki** dej se pódaś pomjenjenje „samotna kandidatura”.

Na požedanje pśipowězarja kandidatury budu ja, jo-lic až te wušej pomjenjone kriterije budu dopoľnjone, amtske formulary k pódpisanju kandidatury wupołożyś teke pla cesnoamtskeje šoľtowki abo cesnoamtskego šoľty we kraju, pśed notarom abo notarku abo we drugem zastojnstwje, ako ma pśiwdane pšawo pódpisma amtski wopóznaniś.

9.2.4 Kandidatury zboka partajow, politiskich zwěstkow, wuzwólowańskich grupow abo lisćinowych zwěstkow směju se pódpisowaś ake pó wumjenjenju kandidatow kaž teke pó wustajenju řědu jich kandiděrowanja za paragrafom § 33 kazni BbgKWahlG. Pódpěrajuce pódpisma, ako su se dali južo pjerwjej, njejsu plašece.

9.2.5. Jadna wósoba z wuzwólowańskim pšawom smějo jano jadnu kandidaturu k wuzwólowanju gmejnskeje rady gmejny Błošańska góla pódpisaś. Jo-li něcht za to wuzwólowanje wěcej ako jadnu kandidaturu pódpisał, ga su wšykne pódpěrajuce pódpisma teje wósoby stakim njeplašece.

9.2.6. Kandidatury, kótarež se pósěguju **na wuzwólowański wokrejs**, směju se pódpisaś jano wót wósobow, kótarež maju we tom samem wuzwólowańskem wokrejsu wuzwólowańske pšawo. Gaž kandidaturu, ako se pósěgujo **na wuzwólowański wokrejs**, jo pódpisała wósoba, kótaraž we tom samem wuzwólowańskem wokrejsu sama njama wuzwólowańskego pšawa, ga jeje pódpismo njejo plašece.

9.2.7. To wuzwólowańske pšawo dej wobstojaś we wokognuśu pódpisanja. Kandidaty a kandidatki njesměju swóju samsku kandidaturu pódpisaś.

9.2.8. Pósporomje pódpisma deje se pódaś familijowe mjenja, pśedmjenja, narodny žeń a adresa pódpisarja abo pódpisařki, kaž teke datum pódpisanja. Pódpisař abo pódpisařka dej pśed pódpisanim swóju identitu wupokazaś. Slědkwežeśe pódpěrajucých pódpismow, kótarež južo plaše, wóstanjo mimo wucynka.

9.2.9 Wósoba z wuzwólowańskim pšawom, kótaraž pótrjeba dla šělneje brašności pomoc pši pódpisanju, móžo wumjenis swójogo pomocnika abo pomocnicu swójeje dowěry, ako za nju pódpišo. Wósoba z wuzwólowańskim pšawom, kótaraž dla brašności njepšemóžo sama na amt

pśiś, móžo na swójo póžedanje, město pódpisma, deklaraciju pśed zastupnikom wuzwólowańskego zastojnstwa wótedaś. Póžedanje wó taku możnosć móžo se stajiś pisnje pla wuzwólowańskego zastojnstwa **až do pónjezelego, 1. apryla 2024, zeger 16.**

9.2.10 Za wšykne pódpisarje a pódpisaŕki z wuzwólowańskim pšawom, ako su dali swójo pódpěrajuce pódpismo na tej wóte mnjo wudanej abo wupołożonej lisćinje, dej wuzwólowańske zastojnstwo wopóznaniś z pśipiskom, až wóni su we wokognuśu pódpisanja měli wuzwólowańske pšawo na teritoriumje wuzwólowanja (žo-li wó kandidaturu, ako se póšěgujo na **teritorium wuzwólowanja**) abo we pótrjefjonem wuzwólowańskem wokrejsu (žo-li wó kandidaturu **za wuzwólowański wokrejs**).

## 10. Wótpóranje brachow

Gaž ten wustajony cas za pśipowěženje kandidaturow bužo mimo (to se stanjo **na 4. aprylu 2024 zeger 12**), ga brachy, ako maju cyniś z licbu a ředom kandidatow a kandidatkow, njebudu móc se wěcej póřěziś, a teke pódpěrajuce pódpisma pśispóraś, ako hyšći feluju, njebužo wěcej móžno. To same plaśi, gaž kandidat abo kandidatka jo tak brašnje pomjenjona, až jogo abo jeje identita njejo k póznaśu. Wšykne druge brachy, ako pótrjefiju plaśiwosć kandidaturow, mógu se póřěziś hyšći až do rozsuženja nad pśipuśćenim kandidaturow (§ 37 póstawk 1 kazni BbgKWahlG).

## 11. Pśipuśćenje kandidaturow k wuzwólenju

Wuzwólowański wuběrk wobzamknjo **wałtoru, 09. apryl 2024 zeger 13:00** na zjawnem pósejženju, lěc wšykne kandidatury deje se k wuzwólenju pśipuśćiś. Wušej togo plaśi § 37 kazni BbgKWahlG kaž teke §§ 38 a 39 wustajenja BbgKWahlG.

## B. Wuzwólowanje cesnoamtskego šoŕty abo cesnoamtskeje šoŕtowki gmejny Błošańska góla

Rozkłaženja k punktoju A numer 3, 6.1, 6.3 a 6.4, 7, 8, 10 a 11 k wuzwólowanju gmejnskeje rady gmejny Błošańska góla plaśe teke za wuzwólowanje cesnoamtskego šoŕty abo cesnoamtskeje šoŕtowki gmejny Błošańska góla ze slědujucymi wustajenjami pó zmysle:

1. Kandidatury deje mě wordowaś pśipowěžone na formularach za musterom **5b** k paragrafoju § 33 póstawk 1 sada 1 wustajenja BbgKWahlG.

We kuždem pśipowěženju smějo jano jedna kandidatka abo jaden kandidat wumjenjony byś.

Kužda kandidatka a kuždy kandidat smějo byś wumjenjony jano we jadnom pśipowěženju k wuzwólowanju cesnoamtskego šoŕty abo cesnoamtskeje šoŕtowki.

Kandidatka abo kandidat, ako jo pśipowěžona wót jadneje **partaje**, njesmějo byś zrownju clonk drugeje partaje, kótaraž jo wósebjje ze swójim kandidatom abo kandidatku na tom wuzwólowanju wobželona.

2. Kandidat abo kandidatka musy byś wobjadny abo wobjadna z pśipowěženim swójeje kandidatury, a ta wobjadnosć dej se wobtwarziś a wótedaś na musterowem formularu **7b** k paragrafoju § 33 póstawk 2 numer 1 wustajenja BbgKWahlG.

3. Protokol wót wumjenjenja kandidata abo kandidatki dej se spisaś na formularje za musterom **9b** k paragrafoju § 33 póstawk 2 numer 1 wustajenja BbgKWahlG.

4. Słušnosć zběranja pódpěrajucych pódpismow njeplaśi za južo amtěrujucego šoŕtu abo amtěrujucu šoŕtowku.

5. Pśipowěženju kandidaturow z boka partaje, politiskego zwěstka, wuzwólowańskeje grupy, lisćinowego zwěstka, samotnego kandidata abo kandidatki, ako **njejsu** wulichowane wót słušnosći zběranja pódpěrajucych pódpismow za paragrafom § 70 póstawk 5 kazni BbgKWahlG, dej se nanejmenjej **16** pódpěrajucych pódpismow pśipolożyś. Wušej togo plaśe rozkłaženja k punktoju A numer 9.1.1 do 9.1.4, 9.2.2 do 9.2.5 a 9.2.7 do 9.2.10 pó zmysle.



### C. Wuzwólowanje wejsnych pširadow wejsnych želow Bucyn, Łaz a Zakrjow

Rozkłaženja k punktoju A numer 3, 4, 6.1, 6.3 do 6.5, 7, 8.1, 8.3 do 8.7, 10 a 11 k wuzwólowanju gmejnskeje rady gmejny Błošańska góla plaše teke za wuzwólowanje wejsnych pširadow wejsnych želow Bucyn, Łaz a Zakrjow ze slědujucymi wustajenjami pó zmysle:

1. **Teritorium wuzwólowanja wejsneje pširady** wejsnego žela Bucyn maka se z teritoriumom togo samego wejsnego žela. Wón wobstoj z jadnogo wuzwólowańskego wokrejsa.  
**Teritorium wuzwólowanja wejsneje pširady** wejsnego žela Łaz maka se z teritoriumom togo samego wejsnego žela. Wón wobstoj z jadnogo wuzwólowańskego wokrejsa.  
**Teritorium wuzwólowanja wejsneje pširady** wejsnego žela Zakrjow maka se z teritoriumom togo samego wejsnego žela. Wón wobstoj z jadnogo wuzwólowańskego wokrejsa.
2. Do kuźdeje wót tych wejsnych pširadow deje wordowaś **3** člonki wuzwólone.
3. Kuźde pšipowěženje musy wopšimjeś nanejmnjej jadnogo kandidata abo jadu kandidatku..  
Kuźde pšipowěženje smějo nagromadu maksimalnje **6** kandidatow abo kandidatki wopšimjeś.
4. Pasiwne wuzwólowańske pšawo maju pšistym wšykne wósoby, kótarež maju za paragrafom § 11 kazni BbgKWahlG pasiwne wuzwólowańske pšawo a maju we wejsnych želach Bucyn, Łaz abo Zakrjow wobstawne bydlenje abo tam zwětšego pšebywaju.
5. Jo-lic, až licba člonkow partaje, politiskego zwěstka abo wuzwólowańskeje grupy, kótarež maju we wejsnych želach Bucyn, Łaz abo Zakrjow wuzwólowańske pšawo, njedosega, aby mógli člonkojsku zgromažinu pšewjasć a na njej kandidatow a řed jich kandiděrowanja wustajis, ga mógu to wugbaś jich člonki abo delegěrowane, kótarež maju wuzwólowańske pšawo we gmejnje Błošańska góla. Jo-lic pak, až nic razka licba člonkow z wuzwólowańskim pšawom we gmejnje njedosega k pšewježenju člonkojskeje zgromažiny, ga plaše rozkłaženja k punktoju A numer 8.2 wótpowědnje.
6. Pódpěrajuce pódpisma za kandidaturu k wuzwólowanju wejsneju pširadowu njesu trjebne, dokulaž licba wobydleri we wobyma želoma jo mjeńša ako 300.

### III Formulary za pšipowěženje kandidaturow

Formulary, ako su trjebne k pšipowěženju kandidaturow, wobstaraju ja, a wóni mógu se pši mnjo skazaś.

gez. Krischock

Wjednica wuzwólowanjow we gmejnach amta Luboraz/Górne Błota